

GE. tun dixeras huic? facinus indignum, Chreme,
sic circumiri! *CH.* id cūm hōc agebam commodum.

10 *GE.* nam hercle ego quoque id quidem agitans mecum 615
sedulo

inveni, opinor, remedium huic rēi. *CH.* quid, Geta?

DE. quod remedium? *GE.* ut abii abs te, fit forte obviam
mihi Phormio. *CH.* qui Phormio? *DE.* is qui istanc . .

CH. scio.

GE. visumst mihi ut ēiu' temptarem sententiam.

15 prendo hominem solum: "quor non," inquam "Phormio, 620
vides inter nos sic haec potiu' cum bona
ut componamu' gratia quam cum mala?
eru' liberalis est et fugitans litium;
nam ceteri quidem hercle amici omnes modo

20 uno ore auctores fūere ut praecipitem hanc dare." 625

AN. quid hīc coeptat aut quō ēvadet hodie? *GE.* "an legibus
daturum poenas dices si illam eiecerit?
iam id exploratumst: heia sudabis satis
si cum illo inceptas homine: ea eloquentiast.

25 verum pone esse victum eum; at tandem tamen 630
non capit is ei(u)s res agitur sed pecuniae."

postquam hominem his verbis sentio mollirier,
"soli sumu' nunc hic" inquām: "eho [dic] quid viſ dari
tibi in manum, ut erus his desistat litibus,

30 haec hinc facessat, tu molestu' ne sies?" 635

AN. satin illi di sunt propitii? *GE.* "nam sat scio,
si tu aliquam partem aequi bonique dixeris,